

Gaza: Negara Arab perlu pamer solidariti

UTUSAN MALAYSIA: Bagaimana Prof. melihat usaha perdamaian di Gaza?

ZAID AHMAD: Tidak banyak yang boleh diulas mengenai Gaza selain apa yang dilapor media antarabangsa. Apa yang jelas adalah konflik berterusan yang belum memperlihatkan tanda-tanda akan berakhir dalam masa terdekat.

Adakah ini bermaksud tiada tindakan diplomasi?

Tindakan provokasi yang dilakukan oleh pihak-pihak yang terlibat dalam konflik dilihat tidak membantu ke arah penyelesaian. Usaha diplomasi dan pelbagai formula penyelesaian yang dikemukakan, berterusan menemui kegagalan.

Dalam isu ini, apakah ada pihak yang menangguk di air keruh seperti Mesir?

Untuk mengatakan ada pihak menangguk di air keruh juga mungkin tidak adil bagi mereka tanpa kita benar-benar mengetahui apa sebenarnya yang berlaku di sana.

Apakah bantuan yang dilihat perlu dari negara-negara lain

MUKADIMAH

5 Soalan

DERITA di Gaza bagaikan tiada kesudahan apabila pelbagai pihak dilihat sengaja mengambil kesempatan dan keuntungan terhadap konflik di wilayah itu.

Malah, negara-negara Arab juga dilihat bagaikan tangan diikat apabila menyentuh soal konflik Gaza yang dikatakan telah memakan masa ratusan tahun lamanya.

Bagi mengupas perkara itu, wartawan *Utusan Malaysia*, **AZMAN IBRAHIM** menemu bual Profesor di Jabatan Pengajian Kenegaraan dan Ketamadunan, Fakulti Ekologi Manusia Universiti Putra Malaysia (UPM), **PROF. DR. ZAID AHMAD**.



DR. ZAID AHMAD

termasuk Malaysia?

Bantuan berterusan dari negara-negara lain termasuk Malaysia adalah berbentuk semestara dan bukan penyelesaian jangka panjang kepada masalah tersebut.

Apakah peranan negara-negara Islam dalam isu perdamaian di Gaza?

Saya berpendapat negara-

negara Islam khususnya negara Arab yang berhampiran mesti memainkan peranan mereka dan memperlihatkan solidariti dan komitmen untuk membantu menyelesaikan masalah secara jangka panjang. Apa juga alasan yang bersifat andaian, tidak harus menjadi penghalang bagi negara-negara tersebut menghulurkan bantuan.